



14. nóvember 2013

Tilvísun 1311105

Kauphöll Íslands hf.
b.t. Páls Harðarsonar, forstjóra
Laugavegi 182
105 Reykjavík

Efni: Afturköllun ákvarðana Seðlabanka Íslands, dags. 9. desember 2008 (*tilv. SI-46401*) og 12. desember 2008 (*tilv. SI-46401*), að hluta.

Vísað er til ákvarðana Seðlabanka Íslands, dags. 9. desember 2008 (*tilv. SI-46401*) og 12. desember 2008 (*tilv. SI-46401*), um undanþágu frá lögum nr. 87/1992, um gjaldeyrismál, með síðari breytingum. Með fyrrgreindum ákvörðunum heimilaði Seðlabanki Íslands innlendum aðilum að eiga viðskipti með erlend verðbréf skráð í Kauphöll Íslands. Innlendum aðilum hefur frá þeim tíma því verið heimilt að eiga viðskipti með verðbréf útgefin í erlendum gjaldeyri af erlendum félögum, meðal annars verðbréf útgefin af færeyska félaginu Atlantic Petroleum P/F í erlendum gjaldeyri, sem skráð eru í Kauphöll Íslands.

Samkvæmt fréttatilkynningu frá félaginu Atlantic Petroleum P/F sem birt var á heimasíðu félagsins þann 13. nóvember sl. stefnir félagið á að afskrá verðbréf félagsins úr Kauphöll Íslands samhliða skráningu þeirra í kauphöllina í Osló í Noregi (e. Oslo Stock Exchange).

Í ljósi þessa tilkynnist hér með að á grundvelli 2. tölul. 25. gr. stjórnsýslulaga nr. 37/1993 eru þær undanþágur sem veittar voru með bréfum, dags. 9. desember 2008 (*tilv. SI-46401*) og 12. desember 2008 (*tilv. SI-46401*), afturkallaðar að hluta, hvað varðar gjaldeyriskaup vegna viðskipta með verðbréf útgefin af Atlantic Petroleum P/F. Er það gert á grundvelli þeirra breyttu forsendna er felast í afskráningu


verðbréfa félagsins í Kauphöll Íslands og mögulegri hættu á misnotkun fyrrgreindra undanþága í kjölfar fréttu um afskráningu.

Innlendum aðilum sem eiga endurfjárfestanlegan erlendan gjaldeyri verður hins vegar áfram heimilt að fjárfesta í verðbréfum útgefnunum af Atlantic Petroleum P/F í erlendum gjaldeyri, á grundvelli lögbundinnar heimildar samkvæmt 1. mgr. 13. gr. e. laga nr. 87/1992, um gjaldeyrismál. Með endurfjárfestanlegum erlendum gjaldeyri er átt við erlendan gjaldeyri sem er tilkominn af erlendum fjárfestingum sem fjárfest var í fyrir 28. nóvember 2008, sbr. 1. mgr. 13. gr. e. laga nr. 87/1992, um gjaldeyrismál. Innlendum fjármálafyrirtækjum er samkvæmt þessu óheimilt að selja innlendum aðilum erlendan gjaldeyri fyrir krónur, vegna fjárfestinga þeirra í Atlantic Petroleum P/F.

Með vísan til þessa og gagna málsins eru ákvarðanir Seðlabanka Íslands, dags. 9. desember 2008 (*tilv. SI-46401*) og 12. desember 2008 (*tilv. SI-46401*), afturkallaðar að hluta.

Virðingarfyllst,
SEÐLABANKI ÍSLANDS


Már Guðmundsson
seðlabankastjóri


Ingibjörg Guðbjartsdóttir
framkv.stj. gjaldeyriseftirlits